



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

2. De Alexandro Magno, qui pontificem iudæorum pontificalibus vestimentis indutum, reuerenter accedit.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

orem impendere debemus, ut multo plures
supernis nobis retributiones accrescant.

omnes Zonaras tom. 1. Annalium, Alexander Magnus Pontificem Iudaorum, Pontificalibus vestimentis indutum, reuerenter accedit, adorat & salutat, omnibusq; Iudeorum postularis annuit.

CAP. II.

Alexander Magnus dum Tyrum obsidebat, per literas à Pontifice Iudaorum petijt, auxilia sibi mitti, & forum præparari exercitui, sibi que ea dari, quæ pensitare Dario soliti essent. Cum autem Pontifex se iurando obstrictum esse Dario, ne arma contra illum ferret, dixisset, idque viuentem illo violaturum negasset: Alexander iratus se bellum petiturus Hierosolyma cõminatur: captam Tyro, contra urbem proficiscitur. At Pontifex Ioadus ob regis iram anxius, Deum orat, ne populum destituat, quem Deus in somnis bono animo esse iubet: ac portis apertis & vrbe exornata ipsum cum sacerdotibus solito habitu, populum candidis vestibus regi obuiam prodire. Facit ille, ut iussus erat. Alexandro cum appropinquantem, cum sacerdotibus & vrbe multitudine in locum quendam prodit, inde & vrbs & templum conspiciebatur. Minus autem opinatibus regem iussurum vrbe diripi, & Pontificem occidi: Alexander cum sacerdotes & populum, ut ante dictum est, ornatos vidisset, ac Pontificem hiacinthina &

& inaurata stola indutum, cidari capiti imposta, & auream in eo laminam, cui Dei nomen inscriptum erat: solus accessit, atque adoravit, pontificemque salutavit. Eo facto cum ceteri omnes obstupuissent, Parmenio etiam rogare ausus est, cur Iudæorum Pontificem adorasset? cui respondit, non illum, sed Deum, cuius ille sacerdotio ornatus esset, adorasse. Nā hunc, inquit, in somnis vidi, dum adhuc parum à Macedonia recessissem in hoc habitu. Is me de Asia subigenda cogitantem, hortabatur, ne cunctarer: & promittebat, seipsum fore ducem exercitus, & regnum Persarum mihi traditurum. Cū autem neminem adhuc, præter istum modo, tali habitu viderim: tum visionis nocturnæ sum recordatus, tum DEO autore bello moto, me Darium superatorem confido, & regno Persarum potiturum. His dictis, & dextera sacerdoti porrecta, urbem est ingressus, cumque in templum ascendisset, Deo victimas ex præscripto pontificis immolavit: ac Daniëlis libro viso, quo scriptum est, regnum Persicum à græco euertendum esse, lætatus: omnibus Iudæorum postulatis annuit.

Paulus Orosius libr. 7. cap. 39. Quomodo Barbari Gothi Romam innadentes, eamque depredantes sacris Ecclesijs, omnibusque Christianis ad eas confugientibus reuerenter pepercerint, & sacra Ecclesiæ vasa intacta & inuiolata, solenni defensione publice ad Ecclesiam cum hymnis deportari curarint.

C A.